

Powšitkowne WOZJEWJENJA

njedźelu, 6. oktobra 2013

Koncert w Chróścicach z ponowjenymi pišćelemi

Klasiske twórby, kotraž so na njezwučene wašnje přednjesu, zaspěwa bariton Urmas Pevgonen a zahraje organist Karol Bialas tutu njedźelu, 6. oktobra, w 17 hodź. w Chróśćanskej cyrkwi. Swój koncert mjenujetaj „Spěwace pišće“.

Wobydlerska zhromadźizna dla točenja za kaolinom

Dla planowaneho točenja za kaolinom blisko Róžanta je nawoda křemjenojnych zawodow (Quarzwerke) w Frechenje, dr. Otto Hieber, Ralbičansko-Róžeńčanskeho wjesnjanoštu Hubertusa Ryčerja wo to prosył, zo by w tutej naležnosći zwołał wobydlersku zhromadźiznu. Tuta budže wutoru, 22. oktobra, we 18.30 hodź. w Ralbičanskej čěložwučowni. Dr. Hieber je wjesnjanoštu na zakładže rozmołwy pola Drježdźansko-Mišnjanskeho biskopa dr. Heinerja Kocha wo to prosył. Na nej je wo ewentualne wudobywanje kaolina blisko hnadowneho městna šło. Wobdźěliłoj staj so na rozmołwje mjez druhim dekan Clemens Hrjehor z Chróścic a Ralbičanski farar Michał Nawka. Přeprośył bě na rozmołwu, kotraž bě spočatk septembra, biskop Koch.

Kaž Hubertus Ryčer praji, póndže na wobydlerskej zhromadźiznje w Ralbicach jeniče wo planowane probowe točenje za kaolinom. Wo dalšich kročelach so hakle na zakładže jeje wuslědkow rozmyslować móže.

Dzeń za 3. a 4. lětnik we Worklecach

Džěci 3. a 4. lětnika su sobotu, 12. oktobra, wot 9 do 15 hodź. na zhromadny dzeń do Don Boskoho domu we Worklecach přeprošene. Zajimcy njech so prošu hač do póndžele, 7. oktobra, pod telefonowym čislom (03 5796) 8 87 07 we Worklecach přizjewja. Za wudawki dnja zběra so wot kóždoho wobdźělnika přinošk we wysokosći třoch eurow.

Kermušne reje

Bratrowstwo přeprošuje wšitkich zajimcow na kermušne reje pjatk, 11. oktobra, w 19.00 hodź. na žurlu do Sulšec. Program wuhotuja dźiwadłowa skupina kaž tež chór Bratrowstwa a wosadna šola.

Marijanske kompozicije zaklinča w Michałskej cyrkwi

Budyski katolski tachantski chór zanjese njedźelu, 13. oktobra, we 18 hodź. w Budyskej ewangeliskej Michałskej cyrkwi duchownu chórowu hudźbu pod titulom „Ave Maria“. Zaklinča marijanske kompozicije Javieta Bustoa, Jana Dismasa Zelenki, Michała Lorenca, Arva Pärta a Wolfganga Amadeusa Mozarta. Spěwni solisća su Romy Petrick, Tanja Donatec, Frank Blümel a Clemens Heidrich. Zahraje orchester Serbskeho ludoweho ansambla, na pišćelach pak Feliks Brojer. Cyłkowny nawoda je Budyski tachantski kantor Friedemann Böhme.

Wjacednjowska jězba za džěci 5. a 6. lětnika

Na pućowanje po slědach swjateho Bena a na wotkrywanje dalšich zajimawostkow kónčiny mjez Drježdźanami a Mišnom přeprošuje Dekanatne dušepastyrstwo džěci 5. a 6. lětnika wot póndžele do štwórtka, 21. do 24. oktobra. Za jězbu zběra so wot kóždoho wobdźělnika přinošk we wysokosći 60 eurow. Zajimcy njech so prošu hač do póndžele, 7. oktobra, pod telefonowym čislom (03 57 96) 8 87 07 we Worklecach přizjewja.

Młodzi ženjeni a swójby zhromadnje do noweho lěta

Młodzi ženjeni a swójby su wot póndžele, 30. decembra, do srjedy, 1. januara, na zhromadne dny do Winfriedowego domu w Schmiedebergu přeprošeni. Započnu póndželu z wječerju a zakónča Nowe lěto z wobjedom. W tutech dnjach chcedža zhromadnje rozmyslować, so modlić, w dobrej towaršliwosći přebywać a tak do noweho lěta přeńć. Zajimcy njech so prošu přizjewja pola Ćemjerec we Worklecach pod telefonowym čisłom (03 57 96) 9 49 65 abo přez mailku cemjer@t-online.de. Tam zhonja tež płaćiznu a nadrobnošće.

W Domje swjateje Ludmile pytaja fachowu móc

W Chróšćanskim Domje swjateje Ludmile pytaja hladarku abo hladarja starych ludži respektiwne chorobnu sotru abo hladarja. Dalše informacije dóstanu zajimcy wot wjednistwa domu, telefonowe čisło (03 57 96) 9 47 10.